

Optimus, *Leeffan*, Charissimus, *Wifstan*, Prudentifsimus, *Dunstan*, Celfissimus.

wi. WI, Sacer, sic *Wimund*, Sacra pax, *VVibert*, Sanctitate clarus, *Abvi*, Omnino sanctus: ut Hierocles, Hieronymus, Hofius, &c.

Willi. WILLI, & *Vili* Anglosaxonibus, ut *Billi* hodie Germanis plurium habuit significationem: sic *Willielmus*, Pluribus defensor, *Wildred*, Plurimis verendus, *VVilfred*, Plurimis pax: quibus sensu & significatione accedunt *Polymachus*, *Polycrates*, *Polyphilus*, &c.

Wold. WOLD, & *Wald* præfectum, sive gubernatorem illis denotavit, unde *Bertwold*, Illustri gubernator, *Ethelwold*, Nobilis gubernator, *Herwald*, & inverse *Waldber*, Exercitus præfectus.

Britanni nomen re-vocantur. Sed manum jam de hac tabula, cum aliis non minus ac mihi hæc in re levicula sint plus nimio.

Gravius fortasse erit, si posteris (modo hæc chartæ victuræ sint) prodam quod nos vidimus, scilicet ut Egbertus hanc citeriorem & suam Britanniam partem ANGLIAM jussit nominari; ita jam annis 800 plus minus transactis: dum hæc recognoscimus, R. Iacobus totius insulæ Monarchiam propitio numinis favore, & hæreditario jure, bonis omnibus applaudentibus, adeptus, ut hæc insula quæ in se una existit, uno Oceani ambitu circumconscripta, in una ejus persona sub uno diademate, una linguæ, regilionis, legum, & juris formularum communitate; ad perennis felicitatis incrementum, & pristina inimicitia oblivionem uno etiam esset nomine: nomen, titulum, & stylum Regis MAGNÆ BRITANNIÆ sibi in omnibus, præterquam in juris formulis, anno regni secundo, edicto per regna publicato assumpsit.

D A N I .

Daci sepe à nostris scriptoribus falso vocantur.



Væ Danorum fuerit origo, ne Danis quidem ipsis satis constat, DANVM enim illum Gigantem Humbli filium & Goropium qui à Gallo gallinaceo deducit, ex antiquitatis schola ipsa veritas jam pridem explosit. Andreas Vellejus Danus, vir literatissimus à Dahis Scythiæ populo, & à Marc, quæ non limitem sed regionem significet, repetit; Ethelwerdus noster à *Donia* urbe nomen factum credidit. A Dancionibus, quos in Scandia statuit Ptolemæus & Dauciones, literula mutata in nonnullis exemplaribus dicuntur, ortos fuisse, & inde in desertas Anglorum sedes, in Cimbricam scilicet Chersonesum se exonerasse ego semper existimavi, donec eruditissimus, & cum judicio in Antiquitatis studio versatissimus Ionas Iacobus Venusinus nominis Danorum vestigia expressa in sinu *Codano*, & *Codania*, quorum meminit hoc in tractu Pomponius Mela, solerti indagine deprehendisset. Quæ nomina à Septentrionalibus crassius elata *Cdan*, & *Cdanonum* Mela in *Codanum*, & *Codaniam* Latina incude formavit, ut posteritas ex *Gdanum*, *Dansk*, ex *Clodoveo* *Lodovic*, ex *Knuto* *Canutum* mollius procederent. Nec tamen ante Iustiniani Imper. tempora, circa annum salutis nostræ septuagesimum supra quingentesimum, eorum nomen orbi innotuit. Tunc enim Galliam vastare cœperant, & rerum Anglicarum Latinis historicis *Wicingi* dicti sunt, quod piraticam exercuerint: *Wicinga* enim Saxonica lingua, teste *Alfrico*, Piratam denotat; & *Pagani*, quod nondum Christo nomina dedissent: sed ipsi Angli sua lingua *Deniscan*, & sæpe *Heathon-mon* quasi Ethnicos vocarunt. De his audi *Dudonem* de S. *Quintino*, authorem satis vetustum è I. *Stobæi* studiosissimi urbis Londinensis antiquarii bibliotheca, quæ mihi semper patuit. Dani è *Scanza*, id est *Scandia*, velut *examen apum* è canistro, & *gladius* è vagina, diversitate multimoda, consuetudine barbarica profuerunt, cum petulant luxu exardescens soboles innumeras generavissent. Qui postquam adoleverunt, de rerum possessionibus contra patres, avosque aut sæpius inter se ferociter objurgati, exuberantes, & terram quam incolunt habitare non sufficientes: Britannia.

Da-ben.

Thestibus, de fabula quæ pro historia se vendit.

Wicinga.

collecta sorte multitudinis pubescentium, veterimo ritu, in externa regna extruduntur nationum, ut adquirant sibi preliando regna, quibus vivere possint. Caterum in explectione suarum expulsiōnum atque exercituum sacrificabant olim venerantes * *THVR* dominum suum, cui non aliquid pecudum atque pecorum, sed sanguinem mactabant hominum. Holocaustorum omnium putantes pretiosissimum, eo quod sacerdote sortilego predestinante, juga bouum una vice diriter icebantur in capite, collisique unicuique singulari ictu sorte electo cerebro, sternebatur in tellurem, perquirebaturque levorsum fibra cordis, scilicet vena, cujus exhausto sanguine ex more suo, suorum capita linentes, librant celeriter navium carbasa ventis, deosque tali negotio putantes placare, velociter navium insurgunt remis. Aliam etiam Deorum placandi rationem, vel potius contaminatissimam superstitionem, qua Dani usi sunt, *Ditmarus* Episcopus, qui *Dudone* paulo antiquior, his verbis describit: Sed quia ego de hostiis Northmannorum & Danorum antiquis mira audivi, hæc indiscussa præterire nolo. Est unus in his partibus locus caput istius regni, *Lederun* nomine, in pago qui *Selon* dicitur, ubi post novem annos mense Ianuarii, post hoc tempus, quo nos *Theophaniam* Domini celebramus, omnes conveniunt, & ibi diis suis *LXXXX* & novem homines, & totidem equos, cum canibus & gallis pro accipitribus oblati immolant, pro certo, ut prædixi, putantes hos eisdem placaturos.

*Danorum religio. * Hinc dies Iovis nobis fertasse Thursday dicitur.*

Lib. 1.

Circa Egberti tempora, anno Christi 800, nostra littora primum infestarunt, postea mare cœlo miscentes, multos annos per Angliam grafati, urbibus excisis, templis succensis, & agris vastatis, omnia barbara immanitate egerunt, rapuerunt, verterunt. Merciorum, & Orientalium Anglorum regibus peremptis, eorum regna cum magna Northumbriæ parte occuparunt. Tributumque *Dangelt* dictum misello populo ad horum latrocinia reprimenda impositum, quod, ut cujusmodi fuerat intelligas, hæc paucula legas velim è legibus nostris antiquis descripta. *Danigeldi* redditio propter piratas primitus statuta est. Patriam enim infestantes, vastationi ejus pro posse suo insistebant. Ad eorum quidem insolentiam reprimendam statutum est *Danigeldum* annuatim reddi, scilicet 12 denarios ex unaque hida totius patriæ, ad conducendos eos qui piratarum irruptioni resistendo obviarent. De hoc quoque *Danigeldo* libera & quieta erat omnis ecclesia, & etiam omnis terra

Danica vastatio.

Dangelt.